

藏

密

齋

集

藏密齋集序

海虞瞿式耜撰

男兒頂摩太清足踏八埏朗朗乎如日月之經
天何事不可爲自數椽簷瓦橫截英雄遂使其
氣不能上衝霄漢屋居久則預憂露坐之風霜
裹衣恒則先愁裸形之寒慄營營如醯雞之在
罍盆豈復知世宙有所謂綱常名節者哉孔時
一生得力全在爲諸生孝廉時瓶無儲粟未嘗
有簷下想入其胸中以故浩浩落落之氣不受

盤曲然每見英俊之士開覽古人千秋可揖飛
觴自命生死鴻毛逮至榮華薰染動骨日化柔
腸又或痛苦憂煎烈士不能慕義故夫不登仕
宦不入囹圄槩而語丈夫皆未敢必之詞也則
又何以故哉蓋孔時胸中非徒以廉節爲高尚
觀其集中上告君父中告寮友下告子弟皆確
然有石畫以與人實實可見諸行事者是故官
居諫議而夫人未嘗一日下機逮繫幽囚極刑
無愠皆非有所矯而爲之以爲臣子之事當如

是也假使其胸中無卓然自有安立之處則邪
氛晦冥之時能不失其身卽爲賢者中流遇風
壯夫失色諺云死生之際亦大矣夫人懷忠壯
之志乃至關木索嬰金鐵毀肌膚斷股體臨死
之際凜然惟有 二祖十宗臨之於上者千古
而上幾人哉吾獨恨甲乙之歲乃有謫其爲謫
且陷其爲貪爾時王法固不可問矣獨不畏鬼
神之在前乎卽如遼陽一案觀其書疏往返幾
數十見未嘗有一字假借經撫而坐此論死千

百年後讀其書有不拔劔起舞者豈人哉惟謂
嫉惡過嚴優容不足庶幾近之然亦安知其胸
中確然自有繩墨世間曲相自不堪受彼一引
彈耳昔伯夷居北海以待天下之清彼胸中自
有所清者雖永清大定猶有塗炭之况况當亂
臣賊子人將相食之時而欲使居諫垣者禁不
發一語然則必使天下鬚眉盡化爲女子人類
盡化爲狐狸然後可以稱大賢耶嗚呼淮南欲
謀反而憚汲黯曹操欲跋扈而憚孔融凡亂賊

欲舉大事於天下必先剪其所忌而後動於惡
群賊不殺孔時上父周公之號未敢明目以告
於世也是以古之王者必崇獎節義之臣以風
示來世 聖明御極首事旌忠而魏家父子優
恤尤篤今其仲子且盡發其文章以行於世
朝廷之賞罰斯民之是非相來而行其所以風
天下萬世之爲人臣爲人子者遠矣

藏密齋集序

同里錢士升譔

君子扶天常勸國是獨有是非兩端是還是非
還非易簡理得而天下治矣是非之燭亂也起
於學術之不正而成于封畛之互簡今有事于
此本是也則必有是而似非之一說是者一簡
其是者百而真是晦本非也則必有非而似是
之一說非者一簡其非者百而真非晦晦之極
墮墮虺虺幾于長夜之不但而迨夫霜降水落

雲散天開向所謂真是真非者炯然昭揭于天
下則豈非至變中有不變者存而特待時以發
皇也耶吾友太常廓園魏公自爲秀才時卓然
以名教自任及官大行拜給事中由戶禮歷吏
都維時一陰孽牙堅冰將至公斷斷引繩力爭
大者爭封疆爭三案爭中 旨非直與小人爭
也且與世所號爲君子爭于是伎者圍集外庭
之小人與內合所號爲君子者又與通內之小
人合而公遊羿之彀中逮 詔獄竟死矣當公

抗顏廷議時夫其口衆我寡而公之處勢常孤
公之据理必勝資育不能奪鋒鏑不能撓卽與
同臭味者不無回容委蛇于其間而必不肯稍
緦其說公自譜不云乎有謂不隨地不隨時者
有謂不可得而疎不可得而親者夫公方以是
非俟之于餘聖之外于餘歲之久而豈地與時
可得而親疎者耶余嘗貽公書述范忠宣同已
異已之說公復云忠宣論同異未論是非是非
出而士乃始知舍生而取義也公被逮時樸被

就道余送至吳門笑語如常時此與劉罷之鼻
黜如雷徐有功殺之三宥之三而神色不變信
異則以是非素明一切禍福不足驚其神耳夫
千古是非必折衷于孔子孔子作春秋取當時
亂臣賊子口誅而筆伐之而付知罪於不顧斧
鉞何凜凜也自此義不明于是有調停于是非
者流爲鄉原之同塵而又有倒用其是非者涉
于戰國之捭闔茲二者卽賢者或蹈焉而卒以
自誤誤天下公師事高景逸先生先生之學以

格物爲宗夫是非者物也是是非非者知也此
孔子作春秋之大主腦也公學有師承而又天
植其骨獨立不懼凡所持論總直致本心之明
以行三代之直焉耳公歿三年今 天子除兇
剪逆昭雪忠魂于是公仲子學濂走 闕下刺
血訟父寃 天子惻然太息 詔予公贈錄祭
葬及三代誥命而公一腔熱血灑滿大地者若
出重泉而耀白日向使公不死遭遇 聖明豈
不願爲臯夔無爲龍比而惜乎九原之不可作

也仲子哀公遺文凡奏疏尺牘雜著年譜若干
卷皆公就逮時途中手所銓次也屬余爲序夫
公之節義文章與日月爭光奚藉余言而余先
序孝子集今又序公集庶後死者得附忠孝以
終古也

藏齋集總目

卷之一

自譜

卷之二

奏疏
一

卷之三

奏疏
二

卷之四

奏疏
三

卷之五

奏疏 四

卷之六

奏疏 五

卷之七

奏疏 六

卷之八

奏疏 七

卷之九

奏疏 八

卷之十

詩

卷之十一

雜著 一

卷之十二

雜著 二

卷之十三

雜著 三

總目

卷之十四

書牘 一

卷之十五

書牘 二

卷之十六

書牘 三

卷之十七

書牘 四

卷之十八

書牘 五

卷之十九

書牘 六

卷之二十

書牘 七

卷之二十一

書牘 八

卷之二十二

書牘 九

卷之二十三

書牘十

卷之二十四

啓

原任文林郎吏科都給事中今贈通議大夫
太常寺卿謚忠節魏大中

誥命一道

奉

天承運

皇帝制曰夫光岳凝翕是生忠義之臣天地晦蒙
彌表艱貞之節故劉陶殞貞北寺楊震殉烈
西亭並以禍極一時聲流千載爾原任吏科
都給事中魏大中其生有自視死如歸原其

至清絕塵大剛制物可以貪繩蟬蚓肉視虎
狼故累百知一鶚之可尊嫉邪如神羊之必
觸爰自轡軒之使陟于瓊闕之班洵歷清垣
旋臻天掖銳心平治極論興衰節足相宣夔
睢坐別時謂司隸陽球之旣陟此輩安容假
使銅鞮伯華而無死天下其定而會以相分
公媪當蔡京童貫之時士亢君宗開竇武陳
蕃之禍惟爾擅惟逾峻尤爲縉繳所先貝錦
一成雉羅遂及詔求鈎黨獄署同文膚滂碎

首于黃門喬固暴尸于城北二光黯沒海水
羣飛當此之時亦云極矣今者世灰大滌天
宇重晶朕是用章剛幽忠崇敷顯秩震雷一
夕已踣元祐之碑解澤重泉大表比干之墓
特追贈爾爲通議大夫太常寺卿錫之誥命
以爾臣忠章爲子孝涉濂之義生死同揆彌
奇卞壺佇章鮑昱嗚呼位于箕尾識歸天傳
說之星炳彼丹青寶入地萇弘之血

制 誥

崇禎元年十月廿九日

之 寶

詞臣倪元璐撰

藏密齋集卷之一



嘉善魏大中孔時著

自譜

萬曆三年乙亥一歲

余世嘉興遷善鄉三十五都北區東二歲圩人可考者以洪武間諱伴者為初祖祖壻于

徐成三十九年成三編戍于雲南大理衛徐氏絕則以壻家補伍予家乃世隸軍籍焉宣德中析嘉興為嘉善因為嘉善人今在大理

皆謹選及
錄多考詩多
多射著考
書多考考四篇
並以別用考湖
生鍾夏陸棟
較過何生德英
未覆校

伴上瑞考何字家

者爲真公派。在嘉善者爲成顯。二公派。成顯
出于海。海配金氏。真母亦金氏。又所傳真子
暹。寓成顯。二公書稱叔父。真成顯似同父兄
弟也。成一支絕。顯爲予高祖。高祖四男子。仲
子爲余曾大父。隱齋公。隱齋公生南川公。南
川公四男子。仲子爲繼川府君。府君以余行
人滿考。移贈行人司行人。再以余選授工科
給事中。以光宗登極。恩贈工科給事中。已
余陞禮科左給事中。時以皇第一子生。推

恩贈禮科左給事中已又以余陞吏科都給事中中以今上登極恩未補補贈吏科都給事中先是爲行人時行人尚仍八品之舊先孺人薛不得贈後三贈皆孺人邇追奪之命無虛日余罪至勤緹騎而未蒙褫削恩特隆故敘次獨詳稱府君先都諫先妣孺人焉先都諫旣以仲子任大父里徭家破田廬服物朝夕鬻鬻盡嗷嗷五口盡賴先孺人十指矣旣屋廬蕩析而先孺人又姓子彌月戚

族以入產婦相戒。獨先孺人之四叔母子贅而獨居。畱與同居。及宿衾裯敝爛。先都諫。先孺人時對紉其裙。輔之寒。或益以短策。不能文也。蓋是時先都諫。每晝出與人象棋。而孺人拮据支吾。生人之趣都盡。一夕腹痛起。据葦壁棟間。火光熒熒。先孺人以爲鬼燒。疑不祿。而火光緣棟上升。至脊梁正中。而予生時先都諫睡夢中。則又若夢見兩童子執燈導一。金冠緋衣少年者。入臥室。遽然起。則聞予

劉卯生錄真
續編無憤字

哭聲矣時十一月十四日亥時也先都諫自
是決意教子身為蒙師焉

四年丙子二歲

先都諫授蒙于鄔家村徙家相就二姊歸于
吳先孺人腹予而紡日溺汁漬腰幘以為常

五年丁丑三歲

六年戊寅四歲

是歲先都諫授蒙于陶之凌巷徙家相就日
置予于膝授諸弟子誦予聞所授孝經大學

諸書誦亦日漸成誦

七年己卯五歲

八年庚辰六歲

是歲先都諫課予讀讀能彊記課偶語頗能
捷應嘗引以對客焉

九年辛巳七歲

七八歲時每就枕先都諫口授古忠孝節烈
事一二條睡醒卽令占昨所誦書讀暇先都
諫假予散步輒詣先孺人緯車側先孺人背

常負痛命予拳背或散步每有做官何所事
事之想

十年壬午八歲

是歲始出痘痘愈先都諫課讀五帙竝授每
授十餘行過目輒誦誦已輒亦善忘新授稍
快溫習稍苦先都諫因命予徧授諸弟子誦
習小楷頗工復命予徧授諸弟子做人稱爲
小先生諸弟子有持画扇者好爲小咏題其

上

金瓶梅詞話

金瓶梅詞話

金瓶梅詞話

十二年癸未九歲

八九歲時家常并日而食或野菜和米作粥
浙粒飼予先都諫先孺人及三姊徒菜羹耳
至課讀稍弗中程篋扶輓數十下不少卹先
孺人護之每中杖已而徒泣南川府君見之
間爲流涕曰一兒忍乃如此先都諫背予向
南川府君流涕曰正復不忍耳

十二年甲申十歲

予時于村童中頗負穎異之譽抱女者多欲

得以爲壻先都諫意在能佐予讀者氣類不能佐予讀雖富不許而外父錢公慳寔擇壻頗殷先都諫以爲庠士也議昏焉

十三年乙酉十一歲

錢公既急予壻而先都諫復急予讀先都諫時從人言少所業師賀正泉之嚴而有益姁者因詭言錢業延賀爲師矣先都諫因命予赴錢壻而錢實未延師也去錢數百武有尤濟涵先生因徃附學不一月而錢徙居從師

不便仍歸學于家塾先都諫日有廢讀之憂
矣

十四年丙戌十二歲

錢公館蓮花涇徐氏子徃隨學未幾錢甚病
主人亦死呂雲岩先生館予族因徃附學數
月無益

十五年丁亥十三歲

是歲先都諫徙館于趙巷蕩之短浜族叔月
臺合孫竹亭拉朋徙十餘人延沈玉臺先生

都諫瑤姑公諫利
時易姓也

錄本

共業先都諫率予徃附月臺弗許疆而後可
蓋人情忤予之慧憎予之儂幸予之貧奪予
之便謂可以終廢業也未幾嗾沈師謝予予
詢之故曰汝日借某儂予曰既兩人儂則奈
何謝予一人辭出而先都諫急縛予謝過杖
予至流血沈師乃許卒業既自欲行文不可
則又私自行文不問何題凡所聞見必能拈
入成章焉入秋遷館于孫每見竹亭與君與
叔及沈師述少年從王龍谿遊誦說陽明止

齋兩先生事時學靜坐焉是冬南川府君卒
十六年戊子十四歲

是歲大饑錢公聚徒數人予與之俱李全吾
者錢公之女弟夫也愛予之質時稱說于鹿
吳葉公葉公見予文則又大奇予文謂宜置
之好師友間于是沈元封先生願授書元封
之兄心陽則願授粲鹿吳先生若主之焉者
率予詣學焉未幾有試事予試輒弗利又弗
竟學九月叔父君興省試不第歸先都諫日

裹米一升。越旬日。雜置魚匹之屬。令就叔父
學。叔父既感先都諫之生之。又憐先都諫之
志而恐其弗遂。虛予之質而底于無成也。說
書則叔父不躬說書。而令予說書。弗當則更
令說書。而終不自說書。或四五更而弗當。常
笑曰。女初說已。近吾怪女之類。而思弗沉耳。
謂作文之益。不在作文。在閱文。每閱先正一
文。輒閉不令閱。先以其題。令口占一篇大意。
弗善。則令更占。占數過而後閱文。又不令竟

閱或閱半而令續。或閱邊而令偶。於是規矩準繩轉折淺深之妙大進。當意則廢歌互答。如對好友。不當則長跪至丙夜呵切弗休。予文章之有根基三冬之力也。

十七年己丑十五歲

先是先都諫廢箸時三叔如川公曰兄箸總廢耳不如以其可基。傍基者歸我。我以其野田易兄至是先都諫蕩析者垂二十年。族長者非能平勸三叔以畝餘歸先都諫三叔之

入人質買者則先都諫代輸之乃先都諫且
得之而夕售之充予脯脩壺鹽之費從金鳳
臺先生于俞氏族長者弗善也姍笑籍籍予
又嬉弗銳于舉業每一追憶痛恨欲死

十八年庚寅十六歲

先都諫既貧甚束脩所入不足以充衣食又
極意于予之脩脯脩脯固不足以入時師之
目而饗殮又弗時繼錢復貧歲踵饑業沾廢
君與叔父愛予甚時念此兒不成則已成必

越衆數以此堅先都諫心時偕友人讀書于
邑之東塔則載予與俱又徙于陸莊則與俱
之陸莊不數月叔父病甚就醫予徬徨無所
歸徒家塾耳一日聞叔父病甚且徃候值表
戚沈少蘭謂若叔有極美意思亟見若若奈
何弗亟徃詢其故曰若叔未子病且革意嗣
若矣予曰幸爲我謝叔父家大人止予一子
予嗣叔父子父又誰爲嗣者叔父家固康病
尋瘥自是不第愛予且敬予有事就而相商

如成人矣。

十九年辛卯十七歲

先都諫復徙館于陶之凌巷而予從泰宇曹
師學夙仰曹師之規行矩步稱人師而曹師
一見予文亦卽視爲相長之友志氣鼓舞藻
思溢發寂寥短章春容大篇腕如其口口如
其意一日三藝日中脫稿如探囊焉曹師課
藝篇有大結結中時有感寓曹師每鞫默容
之戒亦間發爲詩歌是歲先都諫任脩脯資

清在曹師
課藝四字
稿本佳極

而傳餐屬之錢讀書得稍成片段云

二十年壬辰十八歲

予赴童子試。縣府俱有名。二月正于郡寓候
道試而怦怦心動急馳省則先都諫感寒疾。
然聚授生徒如故予勸且暫遣。因畱侍疾而
先都諫蹶然起。曰負我負我。因自出僱小刀。
減一簪五分許爲試卷費。促予登舟親爲解
維望予舟不見始入寢先都諫初不自虞其
革復謂道試固不遠也然予心日不寧間傍

復寓門而人以訃聞先都諫以二月十五日
終于正寢予驚惶號踊屣襪遺脫不復還寓
既而奔不識路則依官路行謂牽路可達乃
未盡六里街兩足爲磚石屑所嚙血漬泥墳
赤屢起屢踏行道嗟悼一轎卒楊君賢以事
歸邑見而隱之挾與俱困甚則附其肩以行
昏時達邑至外家則錢媪業遣女徃哭乘其
未蓋棺一識阿翁面孔云急買舟歸尚二更
得躬含殮也先都諫彌留時不欲葬于祖塋

意欲問之君與叔父得尺地可葬者而叔父
故出嗣于南郊叔大父弗得自主又木直薄
不可以久屋主人難之遂藁葬于祖塋今三
十四年矣未能更葬非先都諫志也葬畢人
散一母一子徒朝夕哭屋主人故有子從先
都諫學因拉諸從先都諫者畢從予予于是
一意爲蒙師矣予旣未冠而諸生徒者又故
狎處而年相若者有之頗黠陰號召諸生令
弗駟予約予知之立爲程約弗如約者罰弗

爽而黠者佯聽之。黠者以爲予將終聽之。諸
小生亦嚴事予。逾于嚴黠生矣。偶一日午假。
予散步于隣場牆以內。而場以外。故有五聖
神祠。黠者率諸生徒。然燭祝予死。予一一聽
之。從間戶潛歸于塾。儼然坐。黠者至。予叱令
跪。弗駮。予詰以頃于神祠前羅拜。而視者何
言。諸生徒相顧失魄。而黠者首服其辜。自是
莫敢以黠應矣。復與諸父兄約。歸而駮謹者。
密以聞。歸而傲。弗駮者密以聞。間一獎之責。

之。而諸生徒之駟約在家如其在塾也課蒙之暇間爲時文古文詩歌俱弗專

二十一年癸巳十九歲

業仍館于陶矣李君全吾以生徒過多恐廢業延以訓其子壻并拉唐張二三生李實貧弗能爲館穀主其意良厚先孺人遷居于君與叔父之側楹中

二十二年甲午二十歲

張生爲主附以孫氏諸徒張以椎油爲業夜

時上稿有也字
去字有字

松楸
墓
字
皆
以

半起予亦起。主人偵知之，每以魚飯饋焉。時
饒公位督學南畿，有聲一日，書質挾四府考
卷來售，心愛之，而力弗能副。賈人去，頗蹙，竟
遺其後一帖，可五六篇，而氣機觸發如決壅。
臬搨管拈題，意興淋漓，無所不有。迨縣試而
服未闋，逾月而覆試未闋，時覆試有未到者。
案故未出，予服尋闋，而覆試者二人至，予得
補考。恐縣令疑為冒籍，更名廷鯁，以從兄弟
中有庠生皆廷字排行者，可弗疑也。時縣令

爲陽東章師卽于縣堂較藝寸管中敲呼號
徹而予卷以次交迨第三人交卷則章師手
予卷而示之曰文當如此如此因目屬予者
久之予欲覽初交卷者之文章師曰不必看
汝持卷去補原試三題來我前汝立補三義
以進則又喜又檄其意所欲首一人同予再
試則又喜而置予第二曰恨補卷不得首子
也時夏公璞齋艱居少許可見予試卷而臭
味收之因稱高景逸吳子徃府試第一名道

試第四名補邑弟子員冬十有二月廿又四
日就室于錢氏室人今三封爲孺人于昏服
御皆如常時越二日而先孺人寄一新油綠
布道袍至三日而攜室人拜先祠因畱過歲
先孺人甚懽

二十三年乙未二十一歲

館于凌生斗垣秋病痢劇粘一死守于榻前
萬緣都斷愈後閱時藝大明快是歲有王雨
圃者善子平批予命止丁酉鄉科戊戌聯第

吳縣縣志文
卷之五
年
五
年
五
年

二語而無別說更叩之曰趨吉避凶的話公也不聽仕途上寬人些已又向人云中後還

有三十年貧賤今科分不驗而酉戌以來近三十年矣

二十四年丙申二十二歲

館于凌夏君興叔父病不起叔父平昔最愛敬予而三從兄某父不以爲子兄不以爲弟叔父每憐而衣食之出入與俱予宗故軍籍南郊公爲長支無子叔父嗣祖遺軍田二千

八畝以供軍需合族分受久矣南郊所自置
產非軍產也而某乃鼓族人而訟時叔父有
子午孫三歲矣舉族爲利所哄而予以一人
挺持其間刃攢于臂時予婦尚滯外家先孺
人念予婦予婦又時時念先孺人僦一廛于
城中新街姑婦相傍也伊兒新產而族人日
集而噪于室老者言死飢者言食強者言毆
言殺無休時狡者則又向南郊公云我輩第
惡之果甚何敢得罪叔公南郊公頗爲所愚

自予若轉胎之戚者而予挺持無二意郡縣亦俱是予言諸眈眈者亦私有以餌之予第家得無敗而予于族樹怨矣

二十五年丁酉二十三歲

館于沈生垣家錄科補增廣生

二十六年戊戌二十四歲

仍館于凌是時館資時十金而贏奉先孺人先孺人歲可費六七金餘金則買書讀之孺人出父母驕穉之中春汲爨澣紡織咸習室

靡間言門無俗務縱兒新慧囊有餘錢長讀
浩歌樂莫樂于爾時矣

二十七年己亥二十五歲

與趙歸甫共業于桐村書屋夏德清許敬菴
先生招與其公子共事長女生因名清錄科
今行卷中行夏之時第一首卽試卷也是歲
與鄒縣周自淑希孔定交

二十八年庚子二十六歲

館于許春讀書皋亭山夏讀書西湖之陳莊

五歲生三子
仁長女三子
仁長女三子
仁長女三子
仁長女三子
仁長女三子
仁長女三子
仁長女三子
仁長女三子
仁長女三子

秋試不售歸先孺人病噎醫不驗復徙居南郊公宅西偏二楹十二月二十八日有先孺人之痛先孺人病中孺人服事左右庶幾孝謹矣

二十九年辛丑二十七歲

館平湖陸氏而孺人撫一男一女以居每昏則置二雅臥榻而篝一燈先孺人柩前獨紡常至丙夜叔大母沈絕愛憐之庶蔣叔母陸及諸妹或從暗中相警紡如故明日以爲言

曰我時思見我娘娘何懼

三十年壬寅二十八歲

吳江陳氏及新開湖一金生合而延予主人
既不文三生亦不韻復荒僻無門外之交予
乃得一意于舉子業悉陳先正時流所爲文
一一比勘分雅分俗分正分偏分古分今如
合諸券僞者不能欺予目亦無一字得于予
之肺腑矣是歲錢公病予偕孺人往視病病
既不可起又無以爲殮予語孺人曰吾將罄

吳江下清本亦錄
公事為日曾做
詳焉無隔子以
一信字

吾方任之孺人謝曰吾不能啓吾齒吾謝汝矣

三十一年癸卯二十九歲

陳公頴亭延與其公子賁聞發交共學二月以四卯葬先孺人于七十畝堯是田故先都諫所售以充于脩脯予贖歸先塋之葬旣非先都諫志而先都諫葬後族伯少山葬其左族叔君節葬其右先孺人不可以合於是營合曠于七十畝堯先以葬先孺人而虛其右

以待先都諫乃葬後多故至今未嘗合也先
孺人服闋始就遺才試縣試第四名時縣令
爲安福謝公鳳高名雖稍亞而意常在于府
試第一名則嘉興令鄭公振先所取時競者
日奔走名紳之門自鬻名紳亦復假文字以
收門生心醜之故心德鄭公之知己而終不
敢以相聞也道試錄科鄉試不售

三十二年甲辰三十歲

仍館于陳高先生來弔得見數歲館穀所入

亦微有贏者而孺人刻苦自將撫三稚雖菜
腐不時食是歲出痘幸俱無恙而調補徒熱
醬耳以此得買田十數畝兼有擔石儲孺人
儉德所致也

三十三年乙巳三十一歲

館夏瞻明于旣于鄉居不愉而卜居又復無
力偶城中學後一居北向而臨水者欲售價
可數十金與三從兄靜我隣力勸成之半以
貸母錢而力誦矣葬外大母沈孺人先是外

七十以後在後
年五十四後在
加五十五

時痛戊戌遣
予詢故嘗知
長舅出走處
跡之

大父守耕薛公生兩舅字長舅弗慈長舅亦
弗善事其父母挈其孥弃父母出走守耕公
歿先都諫跡長舅歸喪弗戚外大母依小舅
居小舅死其婦改適外大母無所歸則詣長
舅出走處與居先孺人日念之生死不相聞
時痛戊戌遣予詢故嘗知長舅出走處跡之
外大母則既死矣其柩存先孺人於是歲遣
予扣長舅歸外大母斂輒不許時予窘甚而
舅婦死長舅復老病則使人告予葬外大母

漢書卷之六

卷之六

漢書卷之六

子力弗能及而不敢辭以清明節襄事此先
 孺人志也時孺人又病疽病實非疽大都怪
 痰耳而醫者醫之大潰爛以至于疽背橫直
 徑俱以尺計所食參耆無筭洵兒又以赴館
 過橋為鄉人負布花者所擠墮橋下右股斷
 更費數十金是居不一歲而即質之人賃夏
 瞻明宅偏數楹以居洵兒有至性既斷股橋
 鄰負而歸子急叩之曰當一意醫毋慎勿又
 醫我既接骨仰臥者數十日睡中微有呻吟

聲覺則愉愉如無病者以安父母心也日看
陶詩自娛病起牀簣間詩紙如屑

三十四年丙午三十二歲

復偕賁聞兄弟讀書于南城沈園錄科鄉試
不售七八月間孺人大病垂死時泚兒已知
事母病也

三十五年丁未三十三歲

館高氏翼光昴光軫光泚兒隨舟中偶及天
地人三正開物在寅數至酉戌泚兒踈然曰

此時堯舜兩字安在爲之瞿然是歲以庚寅
所得皆沿門持鉢非自己面目盡情拋撇匠
意抒寫所得不數首然意思開發矣高已具
明歲約而氣各岸不相能并當年辭之

三十六年戊申三十四歲

館清風涇秋遷館于瓶山是歲大水所虞擔
石盡沒

三十七年己酉三十五歲

借朱士翹讀書于荻秋菴錄科六月赴省自

海國雜記
果能守此心法
本要

肄舟中卽時拈誰能出不由戶題而機軸枯
澁時復置之思縱其筆之所如而恐不售急
模先正之最尊者而襲取爲難于是降心于
卑卑不及格之文而可以奏手可以入時者
至八月初始涓涓如有所湊泊勉成由戶一
義更成二義而入塲爲雨所苦候點之時已
淋漓透濕入號舍復處下流浸至腰腹困頓
特甚幸第一義宿構遂酣睡及午庸孟小小
點次爲之夜刺燭爲文以更爲率每成一義

輒小憩卷畢神思乃漸平復展閱自笑亦復
沾沾自喜場畢歸謂泚兒曰當是第二卷文
字果中二十二名爲玄趾戴師本房第二卷
云詢故事云縣公稱門生久當更之子以爲
既久當更之何如久而不必更爲善因不稱
門生入都仍更本名大中

三十八年庚戌三十六歲

下第讀書于城北夏晤顧涇陽高景逸薛玄
臺諸公于徐玄仗園中

玄趾戴師本房第二卷
字果中二十二名爲玄趾戴師本房第二卷
云詢故事云縣公稱門生久當更之子以爲
既久當更之何如久而不必更爲善因不稱
門生入都仍更本名大中

三十九年辛亥三十七歲

館夏迹明氏是歲執弟子禮于高先生

四十年壬子三十八歲

高氏復來延予予復館于高氏是歲淨兒補
邑弟子員偕吳子往北上寓香河北寺時玉
臺先生爲香河諭

四十一年癸丑三十九歲

下第讀書慈雲寺時有解

四十二年甲寅四十歲

時予賃夏室居九年矣。所居前列十餘楹。東枕小橋。卽泚兒傷足處。面溪。溪邊無容足之地。虛一廊以通行。循橋而西數十武。於列楹中啓一徑以通予居。徑窄行不可以竝。又中鑿一溝以通簷溜。循徑而入爲三楹。則予居也。西一楹以對客。簷卑俯而後可入。外廊割三之一以予西隣。其庭則南西隣。潤穢雜置。離落縱橫如魚鱗。復迤而東南。并不能以三之一。東二楹環堵。高稱簷。東一楹爲厨。屋勢

領而東。主人于厨下斜設一木以支。家人出入其下。日數十俯。中楹之前爲臥室。後截以置織具。西楹之後以通行。後更有三楹。高淡廣俱不能以丈。西以祠先主。中儲書。東儲柴而已。諸簾繩皆百年而上。黑脆垂垂。又址下而外崇。遇雨則上漏外漲。卽晴霽亦濕。以爲常。已酉而後。又于徑之東側。賃一楹以居。老僕至是。有數生徒及門。更典三從兄卿雲居以居。併居諸生焉。以營典直故。家更感。尋病。

遊藝補文

先是三子

而說經課藝神益王。室人友人醫人勸之不
少休。濂見乏視。從市肆除夏布爲視直四分
耳。每至每值窘中不能應。每自笑。是年四月
四日。洙兒生。猶在夏居也。

四十三年乙卯四十一歲

先是玄趾戴師補官文安。以書貽予。謂家人
赴任過濶。挈予同行。兩世兄共事。予竊幸早
北之。可以肄業。遂謝生徒弗受。而急。洙兒婚。
併爲濂兒訂陳賁聞婚。乃世兄遲遲來。又止。

二世兄來而第遣其家人相聞舟。逕前予既以諾戴師之請不得已買舟以前。遇于京口。蓋世兄實無意于予而所偕李生者。日酒食聲色相譁。浪交相怪也。未抵文安則又先以意通戴師。使戴師先怪予。乃予新買一僕與偕。復湛溺于賭。好酒弗能其主人也。日過午而不能得飯者時有之。予于是時作孤身萬里。垂死空山八字。觀以自持。偶有人索題壁立齋歌以見意。乃是歲所詣文境。又自覺瀟。

灑夷鬯云早冬聞吳子徃入都因辭文安去
四十四年丙辰四十二歲

場前文思蹇澁有曳白之慮入場日遂全不
構思引筆直寫自謂免于曳白而已而汨汨
而就燈下補稿頗覺生動乃人情以平日之
蹇澁少之卽予亦自少也橐中金盡又所攜
僕甚不習且離家久矣試畢卽南至東阿聞
報中二百九名本房爲等軒商師旋赴廷
試賜同進士出身三甲第十三名觀大理

寺政六月選行人司行人。意有所不可。輒于
衆前否。否人搖首吐舌去之。不顧。而遂以賈
時人之忌矣。十二月奉使諭祭。衡府商河
王以二十一日辭朝。

四十五年丁巳四十三歲

正月入青州竣事。取道泰山。登其巔。拜孔
林。二月抵舍。輕舟微服。意思蕭然。女氏歸于
曹。衿纈不具。二姊弃世。爲具棺斂。

四十六年戊午四十四歲

二姊年九十
三姊年八十
皆卒於此

向在京邸時稍貸卿雲兄金無以償以典房
 舊直償之仍賃夏瞻明政和橋居居其家人
 而自還 朝十月奉使同徐雅池太常 冊
 封代世子為 王世子即興渭故 代王所
 欲奪以與鼎莎者也。有所贈遺謝弗受。同事
 代為強之。不可云渭莎爭立費金錢多矣。此
 翻須令知中朝原自有不受金錢之人生平
 之經。經又弗論也。個除抵舍是歲大姊棄世
 孺人為具棺斂兩姊俱劇貧未葬諸甥陰以

是歲中事
 本在卷之三
 查未補入

一待予卽予以爲更葬先都諫先孺人而後卽
爲兩姊氏圖之而尚未及也

四十七年己未四十五歲

十一月還 朝補考滿會禮部堂印久懸明

年始達吏部

四十八年 卽泰昌元年 庚申四十六歲

爾時行人尚階八品具疏移贈尋奉使 岷

藩掌喪岷國楚之南境黔粵隣壤暑雨中跋

涉萬山事竣以六月十有七日登衡山絕頂



蒙雨而上。至頂開霽。少頃復雨。信宿而下。道
江右訪南阜先生于吉水。抵里兩奉 宸詔。
今上登極。予以俸滿行。取相善者勸亟行。
予曰徐徐以聽其自定。

天啓元年辛酉四十七歲

三月入都。杜門獨坐。有來顧者報之。不來。雖
要人不往。例候考者于朔望日。赴吏部揖。堅
不往。而一時伎子慕予者相半。四月初七日
考選。初十日 命下。得工科。而要人之伎子。

者以不得遂其伎心。大歎歎。羣伎而黨要人者。爭眈眈而伺予矣。時正值遼陽之陷。而王希泉以宿名爲楊李請。命竟得請。予不勝封疆之懼。疏勅王羣兇。信信而起。予弗屈。乃五日。仰于鄒南翁出入。朝序則隱其殿。開羣兇。又號于朝王。不得安其位者。且拉鄒而南翁。日向予而瑣瑣矣。復走其信僕。昏夜持書扣予。予弗奪。自是楊李得長繫。而兇類之嫉予者。日益深。中予名于內。已周冢宰中。

馬全福平有諸君
親送府中又以此
詩

言者以去。張誠宇以御史大夫為冢宰。首推
鄒南翁為御史大夫。內方自有所屬意。得

旨別推。予輒疏爭。人咸為予岌岌。會有繼予
而爭者。南翁故得為御史大夫。而忤者益亟
矣。是歲督浚城壕。諸監督各費不等。予按丈
計費以報。費多者率自告減焉。

二年壬戌四十八歲

廣寧失守。同僚議捐俸助煤米。各五十金。惠
元孺云。難為魏廓園。廓園于一切餽遺咸辨

受諸計吏望門却走。蔡元岡云：誰教他弗受。而予以工垣數有金帛之。賜計九十金。諸受賜者咸杯之以識。欽賚予以弗得朝夕菽水郵四十金歸買祭田八畝而造餘五十金于橐。得如例。巡視節慎庫諸商工官胥或以予未嘗爲吏易之。其故嘗爲吏與未嘗爲吏者亦徒夤緣與其爲姦利。一日有投二簿領。陵工銀者。驗其印文皆謬。立法之。而大司空王太蒙以爲發其工部贗印。懟甚。又

軍興旁午。諸商工官胥乘急爲姦。大司空一切弗問。令悉予。而予稍持之。又議增重城如都城。長京營李公崧毓旣以爲長策。大司空又以爲是誠在我。議費六十萬金。按二八陋則。則諸胥當入十二萬金。又諸商工官所乾沒不可勝計。寇在遠而虛糜六十萬于門庭之近。非計。顧無肯擔者。予奏記大司空止之。時亦遂聽之。然大司空益懟予矣。又一時宵小悉集于烏程。烏程媼客魏以自固。其所以

婦客氏者。至纖醜。弗可聞。又家風有穢聞。諸

君子共起而擊之。予更爲特疏。疏上。幾不測。

親好日數。顧尋傳爲知。是弗受書。怕者而寬之。未可知也。陳老師赤石病革。徃候之。鄒南

翁在坐。愀然曰。不久恐有廷杖事。陳師病

舉體震撼。不寧側身向外。稍展而俯其首。執

予手曰。汝打不起。今後莫做狠本罷。陳師督

學。澗中兩試。皆不甚前。而道義骨肉之感。如

此時。王紹徽處西北。而魏名東南在。朝在

飢寒作餓
乃作餓

甚而所以苛求孺人者復大不堪永念之屬
歲具以遺之立授其子供一擲之費計朝夕
共救水則朝夕嗚嗚哭念其子之飢具粟以
遺之亦復供其一擲耳孺人不勝遺外母不
勝寒飢子愈益驕嗚嗚苛求至于死。

三年癸亥四十九歲

新正抵里 月 日陞戶科右給事中邑中
苦兌運奸胥奸里奸軍相比而勒民民困予
從吏邑父母不問官民二戶復九石八斗之

此七字原在卷末
卷末有增明
在卷末

贈爲例更無名之費不貲一切裁去時邑父
母旣不甚健又陰從而撓之者多端雖官紳
間有之所以左右邑父母者頗力後歲葱嶽
王公撫浙藉其力凡浙以西漕兌之地盡一
爲令歲可畱數十萬石甲子大水賈不甚昂
貴云予自度取怨于世已甚有休焉之志而
朋好以君子道長宜出勉爲北行而時倦而
欲還乃二三蠢僕無一可遣以繳節者途中
接邸報又以 月 日陞禮科左給事中遂

以爲舊商

抵都下一時仁賢頗相信嚮見 朝之日高
邑卽以是日推豕宰尤相信初志漸隱矣冬
至陪 祀南郊會有巡青之役京師小民以
報商爲苦而舊商衙胥中貴以報商爲利于
是京場各商按例不報其外各倉場有裁而
無報報者認者同至間一易之新商困或卽
併之舊商人情怙然估價較徃歲省四萬金
徃青役無羨予不三月而存羨金八百餘文
却青薦之謝先事者以爲形其短殊慊時卹

物類

典濫冒請乞無已一引會典裁之雖大有力
甚有口者弗顧益滋怨矣

四年甲子五十歲

某去御史為大理丞不數月遷少卿矣

又不數月而冀以僉都協院時副院則鄭公
玄岳僉院則楊公大洪席俱未煖某欲遷僉
院則躋楊為副而遷鄭為戶部侍郎予以一
時副僉稱得人官固未嘗缺無故出鄭公于
戶部人情亦不堪即吾輩任事當在人先遷

某去御史為大理丞不數月遷少卿矣

官當居人後。若吾輩不以恬風世于。皇上
御門之頃。時出面。恩取忌品亦不光。予自
以爲朋友切磋之道宜爾。而聞有二心矣。逆
數是歲之二月。吏垣都諫程芸閣當陞序屬
劉弘化。弘化于冬間卽徵以艱聞矣。序當屬
予而某不便于予之居斯地也。令且諱劉之喪
而急貽書于阮大鍼。令亟來時。阮移疾未半
年也。阮咨雖在予前而尚爲右給事中。阮至
而程始陞陞後復以劉補。補劉之後阮轉左

阮大鍼年元三

官爲作有以故

尚未以劉之喪聞而予不覺也會江北銓司

缺某意屬何 阮意屬曹履吉公論以屬

宿望程公我旋程後徐當補何而阮于某格

格也則又儻而惟陞周士樸出工垣缺以待

阮阮大恨亟圖于故所結兄弟傳繼教嗾弗

下而某又陰卸以為是予欲之而予弗聞阮

故弗善予及是恨滋甚于是劉之喪聞而阮

補吏垣矣阮既補予以為阮故未絕于吾黨

凡事誠意相商必不至大決裂乃某意既弗

補字何

惟私作推是

阮既補三

孫府提標協理
安撫使

善予復不善阮欲乘此兩去而更有所屬會
江西諸子以鄒公匪石調銓事弗得與聞爲
恥阮因合章允孺并合黃正賓陳居恭共構
之而操江熊明遇復缺缺于弗得驟遷令圖
予併圖浮丘而傳檄之疏稿具矣檄稿具而
阮始辭 朝予疾叩冢宰停數日且弗推冢
宰旣諾之矣乃以是日陞予十八日子陞吏
科都給事中十九日傳檄疏上時魏奄如涿
祠元君阮畱涿燃秸相拜作竟夜談檄旣結

魏大中

魏大中

繼教為兄弟為內應復伺歸奄于道左以通
款奄甫至而櫪疏下汪文言逮矣聞是日且
竝逮予而 旨下乃有魏大中新擢首垣不
得輕詆語予疏上又得 旨着即任供職
遂以二十六日到任于二十七日鴻臚寺報
名面 恩乃廿八日忽于 朝儀起數奉有
互叅未明何得到任面 恩之 旨舉 朝
驚詫廿九日子具疏席藁三十日復奉有到
任供職并免面 恩之 旨然予之去志決

矣徒以汪文言事未明姑奉 旨且畱會揚
公大洪二十四罪之疏 嚴旨切責六月初
五日子具疏公糾立頃傳稟降級調外譖未
竟復傳錦衣衛拏了閣臣韓公象雲云一刻
兩傳如何遵奉調 旨罰俸而游于羿之穀
中者屢矣予于是決計歸直須文言事竣而
某嫌于共事不能獨畱謂予徒斷之使去則
以計典近教同志者具疏畱予小臣屢奉
明旨謂義不當固辭遂銳意以澄清計典爲

已任會于奉 旨禁餽遺之明日發霍丘之
餽而人愈側目矣御史大夫缺營者多營之
內予一意推景逸先生謂人既多內營推之
自外疑多不下不下將 廷爭焉若爭須爲
天下第一人爭耳他人不足爭也既而得
旨九月 朝審時樞輔請宥遼左失事得
旨貸以不死于是 朝審日不列情真第二云
候 旨竣事大司寇傳簿畫題予以 恩貸
出自 聖意 朝審自是明刑堅不畫題併

爲刑垣具公疏艸而議定會晉中缺巡撫尹
同臯潘雲翼欲得其座師郭尚友郭先以賄
入程芸閣程辭之而復至頗有聞冢宰旣不
許秦人則思用惠公元孺齊人則思用周公
衡臺乃冢宰則自與夏繩北定一清恬之謝
公鳳高矣謝舊令予邑諸弗得者咸以爲出
于子嫉予甚陳九疇因爲人所用尚未顯攻
予也會十月之朔閣臣廣徵頒曆則不至
太廟則又後至予陪祀同陪祀四科臣

每篇五十字

糾之廣微不能不折于予言而九疇其鄉人
因列疏攻予矣十二日子即于部院覆疏降
調十五日策蹇南旋冢宰御史大夫疏救一
時俱被逐沈年兄炎洲公疏首俱逐自是少
宰陳公中素楊公大洪左公浮丘等黜逐禡
奪翩翩而出國門無虛日矣是歲柩孫生葬
姚五姑

五年乙丑五十一歲

予一意杜門謝客而邸報中聲息洵洵不敢

稿本首尾自錄三
 字誤於卷中甲子
 年四月九年
 非誤也乃其
 為誤也

寧居舍卒與濼兒婢姻以四月十一日二十

一日而逮者至二十四日就逮士民號慟者

幾萬人道姑蘇周公蓼洲出盤桓舟中者積

日夜以其季女與柝孫締婚焉高先生既前

候予于平望之南過錫山復送之高橋之北

紀其言為高橋別語

真恐稿以下為柝孫及和之日是後刻諸卷末同照
 竟不錄之兩在但兩卷之末何位據前稿內抄
 日之有稿考之四上字結去

書年譜稿前

皆在轎中偶憶筆畫添註恐俱難認

此稿第當藏之耳且莫以示人

此譜間架小定然事多未詳

詳略緩急俱未停當

字既難看目前且不必看我幸得至刑部獄
當更定耳

書年譜稿後

一日同鄉會孫萬我杰爲主揚言曰別處人
官大家做我鄉人官獨自做蓋譏予也又梅
公之煥過予曰老掌科不但不隨地亦不隨
時蓋嫌予于熊廷弼絕不附聲也左浮丘疏

云不可得而親不可得而疎其意不無小嫌然予俱以爲知己矣

先君聞難後揚揚懽笑如疇昔而一出于真泚等悲憂填膺覩顏色輒亦懽笑不復知大阮之在後也五月五日舟過錫山陳發交攜蒲觴相餞懽笑竟日初六日凌晨遣濂歸行納采禮于周蓼洲懼泚尾舟而行或爲緹騎覺也遣催小舟先發泚別而北濂別而南草草分散不料自此竟長別

也於乎痛哉六月十二日檻車經良鄉遣
奴鴻飛以此譜授伊誠勿求見十三日入
都羈錦衣衛東司房十六日午間入北鎮
撫司獄越十日而楊公至二十八日許顯
純崔應元奉 旨嚴鞠許既迎二魏意懣
汪文言招詞而急斃之以滅口對簿時遂
齟齬如兩造之相質一授敲一百穿梭一
夾敲五十槓子打四十棍慘酷備至而抗
辯之語悉闕不得宣七月初一日 旨下

則直云六人伏辜矣。仍着北鎮撫嚴刑追比五日。一回奏聞者莫不喪魄。外魏佯請付法司以解于衆。而令內魏故畱中以警臺省之將言者。初四日輸三十金顯純槩不用刑。以用刑聞。且請從輔臣言。蓋聊以市德云。時躬輸金之役者舊隣劉啓先也。徃儼夏氏屋以居。爲比隣九年。緹騎至灑涕請從。遂更姓名雜諸僮中。周旋艱險。與此事相終始。擊金以入。見先君于庭以出。

出則泚私喜過望。謂派贓有至四萬者。而先君獨三千有奇。似屬未減。且金又似可徐徐輸也。及旨下切責顯純。初九日槩笞十棍。旨下仍切責。十三日同楊左各三十棍。先君自此遂大困。顯純又限五日。再比所輸數。更日增。泚惴惴懼不給矣。十六日旨下又切責顯純。應元各降一級。泚惶怖絕望。欲代劉執輸金之役。一見先君。劉苦相尼。十七日劉入先君。俯相勞苦。

且辭曰。憊極矣。未刑時。莖莖毫孔俱疼。殆不能支。姑母令我兒知也。劉微以泚意告先君。大驚。比輸金。楊左受嚴刑。餘四人竟免。劉出泚。又私喜。過望。叩頭謝劉。謂毒蓋偏有中矣。急奔定興江村。告貸于鹿太公。太公義至高。然家故清窶。轉展。旁貸。僅得十五金。泚未至。太公先已傳告同好。溪鄉劇貧之士。素不通姓名者。爭貿易所有。以相應。許顯純宗族多與焉。然彙之。曾不盈

五十金。汭且感且愧且悲。急奔至良鄉。訊十九日消息。則六公同被酷刑。一如初鞫時矣。二十一日奔至城。則當日又同楊左各三十棍矣。汭狂駭驚。但不知所爲。究其故。則倪文煥以細事忤中貴。賴崔呈秀以免。急攻蓼洲。媾之中。及締姻事。蓼洲禱而先君之禍遂益烈。暫寬。忽嚴。倪文煥爲之也。於乎痛哉。二十四日。劉入先君。不復能跪起。荷桎梏。平仆堂下。劉膝行而前。見額

帕垂覆目整之背半露拚之羣蠅嚙腐膚
驅之問安平曰病病甚亦疆進粥乎曰勿
言勿言促我兒逸去劉不覺哭失聲衆呵
之出是日又一夾敲四十槓劉請于裏門
卒隱垣隙竊闕初猶聞痛楚聲已殊寂然
刑畢搜入少頃顯純令管事官二人進獄
久之方出衆莫測其所爲但聞楊左魏已
昇至後監二十五日菜帖入不復出矣楊
左以是日報亡二十六日報先君以巳時

亡然終不知死期與死法也於乎痛哉時
天暑發雷相驗領埋之 旨故遲遲不降
而東廠卒日巡汴寓如織三十日始差官
發屍偕楊左從牢穴中出骸漲而黑圾圾
有零落憂急併穢褥卷之入棺亡論飯舍
弗及併不得憑身一慟也於乎痛哉八月
初九日不孝男學涉杖血謹識

藏密齋集奏疏目

比例陳情懇 恩移附疏

懇乞 聖明矢志滅奴以作舉 朝急氣

疏

懇乞 聖明發帑以寬加派併 救詳議

調募團練事宜以杜亂萌疏

呼香
奏去

天步多艱需材甚亟懇乞 救諸臣以和

宥言官 懇以共圖 社稷疏

懇 救臣工蠲隅見以遊蕩平疏 已上隸

直糾邪議僉臣以明 國法疏

僉臣獲 旨欺 君謹再糾叅以明 國

法疏

臺臣蒞公徇私黨邪害正謹據疏糾叅以

祈 聖鑒以清言路疏

遵 諭靜聽日久 廟堂未賜處分敬循

職掌再叩公案以祈 聖斷疏

慎會推以存法紀疏 不果上

敬剖微衷以清蔓議疏 已上隸集之卷三

濬濠工竣疏

懇乞 聖明亟允憲臣之推以安仁賢以

重政體疏

發覺假印疏 已上隸集之卷四

懇 斥被諭輔臣以存四維疏

乞 敕奉 旨諸臣刻期會 奏推見至

隱以立大防疏

朝儀疏

奏疏

懇乞 聖明根究抄傳銓疏以覈真偽以

窮奸宄疏

慎簡卿寺以儲撫臣之用疏

寺臣攘攫自供陰姦自露謹就疏剖駁以

祈 聖鑒疏 已上隸集之卷五

恭慰疏

聖駕親 郊請 敕諸司倍常嚴恭以戒

不虞疏

禮儀疏

請申陳乞之禁以杜濫冒疏

請據 會典議 恩卹以信 明旨疏已

上隸集之卷六

摘議巡青要務以紓民財以仰禪 國計

萬一疏

循例舉劾有司官員疏

酌議滇黔考試官疏已上隸集之卷七

請 斥傾危之臣以護善類疏

乞 恩認罪疏

徵臣患病難痊乞 賜罷斥疏

合詞請 納憲臣之忠以除逆璫疏

肅 計典以勵官常疏 以上隸集之卷八

再 請罷斥以安愚分疏

特糾餽遺縣官以肅 計典疏

恭謝 天恩疏

信憑限以董治功疏

合詞恭懇 聖斷立誅遼左失事諸臣以

自爲 社稷計疏 爲刑垣具艸

特表晉撫之生平以祈 聖鑒疏

直糾無禮閣臣仰候 聖裁疏

剖臺臣失實之言以祈 聖鑒疏 已上

續集之卷九

真經極本點
白世云以善文
字在末可以示
人

疏艸自序

古有以言質既者矣。或迂以一人。抑以一言。予
言具在。幾於盡言。似復盡人而迂之。而幾其免
於今之世乎。予亦何敢盡人而迂。而所迂者。皆
衆人之人。衆智衆勇。衆辯所附。不啻盡之矣。世
復有自行其所惡者。好復轉嫁于予。予之府怨
已甚。故古以迂一人。質既者。人特劫于一人之
焰。無可奈何。而人心固在。盡人而欲甘心焉。而
始及於既。則適以快人心之。公諸所迂者。又諱

乃彼三年字
本在八節尾
其後云留神
在可與也

其所迂而轉飾之他說以中之志士所以仰天
椎心而彼其之子嫉之者至欲投之有昊也乃
彼其之子構其既于不可強之口而因以滅之
亦以見彼其之子之無如我何矣夫匪獨彼其
之子也夙之號為君子者躓而起曲事小人以
圖其末路不合即陰為發縱焉吾黨之有心者
意不廣欲盡世之君子匠其心以為用舍間有
孤行其意者猜以為必某某其贊之微亦見端
今被既雖有重輕而俱不免且令盡出之彼其

之。子。而。甚。其。惡。天。之。厚。吾。黨。與。風。之。號。爲。君。子。
者。如。是。夫。乙。丑。夏。五。廿。有。七。日。書。于。臨。城。道。中。